



საქართველოს

საბჭოთა

სოციალისტური

რესპუბლიკის

№ 6

1 9 9 0

უზენაესი საბჭოს

უფლებები

საქართველოს სსრ უზენაესი საბჭოს გამომცემა

საქართველოს საბჭოთა სოციალისტური რესპუბლიკის უზენაესი საბჭოს უწყებები



№ 6 (599)

ივნისი

1990 წელი

შ ი ნ ა ბ რ ს ი

ბანყოფილება პირველი

137. საქართველოს სსრ უზენაესი საბჭოს პრეზიდიუმის დადგენილება „საქართველოს სსრ ეკონომიკური დამოუკიდებლობის საფუძვლების შესახებ“ საქართველოს სსრ კანონის პროექტის თაობაზე.
138. საქართველოს სსრ უზენაესი საბჭოს პრეზიდიუმის დადგენილება „მოქალაქეთა ჯგუფის მრავალწლიანი სწავლების შემსწავლელი კომისიის შექმნის შესახებ“ საქართველოს სსრ უზენაესი საბჭოს 1989 წლის 18 ნოემბრის დადგენილებაში ცვლილებების შეტანის თაობაზე.
139. საქართველოს სსრ უზენაესი საბჭოს პრეზიდიუმის დადგენილება № 129 ბოლის საარჩევნო ოლქში სამხრეთ ოსეთის ავტონომიური ოლქის სახალხო დეპუტატთა საბჭოს დეპუტატის არჩევნების დანიშვნის შესახებ.
140. საქართველოს სსრ უზენაესი საბჭოს პრეზიდიუმის ბრძანებულება ქ. თბილისის ზოგიერთი რაიონისათვის სახელის გადარქმევის შესახებ.
141. საქართველოს სსრ უზენაესი საბჭოს პრეზიდიუმის ბრძანებულება რაიონისა და ქალაქის სახელწოდების აღდგენის, ზოგიერთი სასოფლო საბჭოსა და სოფლისათვის სახელის გადარქმევის შესახებ.
142. საქართველოს სსრ უზენაესი საბჭოს პრეზიდიუმის ბრძანებულება საქართველოს სსრ უზენაესი საბჭოს მოწვევის შესახებ.
143. საქართველოს სსრ უზენაესი საბჭოს პრეზიდიუმის ბრძანებულება საქართველოს სსრ საბინაო კოდექსის 47-ე მუხლში დამატების შეტანის შესახებ.



- 144. საქართველოს სსრ უზენაესი საბჭოს პრეზიდიუმის ბრძანებულება თ. შ. კაბუღავას საქართველოს სსრ უზენაესი საბჭოს პრეზიდიუმის თავმჯდომარის მოადგილის მოვალეობისაგან განთავისუფლების შესახებ.
- 145. საქართველოს სსრ უზენაესი საბჭოს პრეზიდიუმის დადგენილება საქართველოს სახელმწიფოებრივი დამოუკიდებლობის აღდგენის სამართლებრივი მექანიზმის შემამუშავებელი კომისიის შესახებ.
- 146. საქართველოს სსრ უზენაესი საბჭოს პრეზიდიუმის ბრძანებულება ნ. ა. ყურაშვილის საქართველოს სსრ სახელმწიფო არბიტრაჟის სახელმწიფო არბიტრად დანიშნის შესახებ.
- 147. საქართველოს სსრ უზენაესი საბჭოს პრეზიდიუმის ბრძანებულება ე. კ. შარტავას საქართველოს სსრ სახალხო კონტროლის კომიტეტის თავმჯდომარედ დანიშნის შესახებ.

**საქართველოს სსრ XI მოწვევის უზენაესი საბჭოს XV რიგგარეშე სესიის
მეორე მიღებული კანონი და დადგენილებები**

- 148. საქართველოს სსრ უზენაესი საბჭოს დადგენილება საქართველოს სახელმწიფო სუვერენიტეტის დაცვის გარანტიების შესახებ საქართველოს სსრ უზენაესი საბჭოს 1990 წლის 9 მარტის დადგენილებაში დამატებების შეტანის თაობაზე.
- 149. საქართველოს სსრ უზენაესი საბჭოს დადგენილება საქართველოს სახელმწიფოებრივი დამოუკიდებლობის აღდგენის სამართლებრივი მექანიზმის შექმნის შესახებ.
- 150. საქართველოს სსრ უზენაესი საბჭოს დადგენილება საქართველოს სსრ მოქალაქეობის კანონის პროექტის თაობაზე.
- 151. საქართველოს სსრ უზენაესი საბჭოს დადგენილება საქართველოს უზენაესი საბჭოს დეპუტატთა არჩევნების შესახებ კანონის ძირითადი კონცეფციისა და საქართველოს უზენაესი საბჭოს დეპუტატთა არჩევნების დანიშნის თაობაზე.
- 152. საქართველოს სსრ უზენაესი საბჭოს დადგენილება მოქალაქეთა საზოგადოებრივი გაერთიანებების, მათ შორის პოლიტიკური პარტიების, მასობრივი მოძრაობების, პროფესიული და შემოქმედებითი კავშირების, ნებაყოფლობითი საზოგადოებების, ასოციაციების შესახებ კანონის პროექტის თაობაზე.
- 153. საქართველოს სსრ უზენაესი საბჭოს დადგენილება საქართველოს სსრ ეკონომიკური დამოუკიდებლობის საფუძვლების შესახებ საქართველოს სსრ კანონის პროექტის თაობაზე.
- 154. საქართველოს სსრ უზენაესი საბჭოს დადგენილება შრომითი (ალტერნატიული) სამსახურის შესახებ.
- 155. საქართველოს სსრ კანონი შრომითი (ალტერნატიული) სამსახურის შესახებ.
- 156. საქართველოს სსრ უზენაესი საბჭოს დადგენილება საქართველოს სსრ კონსტიტუციის 77-ე მუხლის საფუძველზე სსრ კავშირის რიგი კანონების შეფასების შესახებ.
- 157. საქართველოს სსრ უზენაესი საბჭოს დადგენილება საქართველოს სახელმწიფოებრივი დამოუკიდებლობის აღდგენის სამართლებრივი მექანიზმის შემამუშავებელი კომისიის შექმნის შესახებ.
- 158. საქართველოს სსრ უზენაესი საბჭოს დადგენილება რესპუბლიკის ტერიტორიაზე „დეკრეტული“ დროის გაუქმების შესახებ.

ბანაოფილიზა მიორი

159. საქართველოს სსრ უზენაესი საბჭოს პრეზიდიუმის ბრძანებულება ვ. ს. აფცაძისათვის „საქართველოს სსრ მეცნიერების დამსახურებული მოღვაწის“ საპატიო წოდების მინიჭების შესახებ.
160. საქართველოს სსრ უზენაესი საბჭოს პრეზიდიუმის ბრძანებულება ნ. ყ. ხურციძისათვის „საქართველოს სსრ მეცნიერების დამსახურებული მოღვაწის“ საპატიო წოდების მინიჭების შესახებ.
161. საქართველოს სსრ უზენაესი საბჭოს პრეზიდიუმის ბრძანებულება საქართველოს ხალხური სიმღერისა და ცეკვის სახელმწიფო აკადემიური ანსამბლის საქართველოს სსრ უზენაესი საბჭოს პრეზიდიუმის საპატიო სიგელით დაჯილდოების შესახებ.
162. საქართველოს სსრ უზენაესი საბჭოს პრეზიდიუმის ბრძანებულება საქართველოს ხალხური სიმღერისა და ცეკვის სახელმწიფო აკადემიური ანსამბლის მუშაკთათვის საქართველოს სსრ საპატიო წოდებების მინიჭების შესახებ.

ბანაოფილიზა მესამე

საქართველოს სსრ უზენაესი საბჭოს სსდომები.



კარლო კონსტანტინეს ძე მებადური — მცხეთის რაიონის იურიდიული კონსულტაციის ადვოკატი.

ვანტანგ სევერიანის ძე ველიაშვილი — ქ. თბილისის კალინინის რაიონის იურიდიული კონსულტაციის ადვოკატი.

საქართველოს სსრ უზენაესი საბჭოს პრეზიდიუმის თავმჯდომარე ვ. გუმბარძია.

საქართველოს სსრ უზენაესი საბჭოს პრეზიდიუმის მდივანი ვ. კვარაცხელია.

თბილისი, 1990 წლის 4 ივნისი.

№ 2666—XI

საქართველოს სსრ უზენაესი საბჭოს პრეზიდიუმის დადგენილება

139 № 128 ბოლის საარჩევნო ოლქში სამხრეთ ოსეთის ავტონომიური ოლქის სახალხო დეპუტატთა საბჭოს დეპუტატის არჩევნის დანიშვნის შესახებ

საქართველოს სსრ უზენაესი საბჭოს პრეზიდიუმი ადგენს:

დაკმაყოფილდეს სამხრეთ ოსეთის ავტონომიური ოლქის სახალხო დეპუტატთა საოლქო საბჭოს აღმასკომის შუამდგომლობა № 128 ბოლის საარჩევნო ოლქში საოლქო საბჭოს დეპუტატის არჩევნების 1990 წლის 24 ივნისის დანიშვნის შესახებ.

საქართველოს სსრ უზენაესი საბჭოს პრეზიდიუმის თავმჯდომარე ვ. გუმბარძია.

საქართველოს სსრ უზენაესი საბჭოს პრეზიდიუმის მდივანი ვ. კვარაცხელია.

თბილისი, 1990 წლის 7 ივნისი.

№ 2669—XI

საქართველოს სსრ უზენაესი საბჭოს პრეზიდიუმის ბრძანებულება

140 ქ. თბილისის ზოგირითი რაიონისათვის სახელის გადარჩევის შესახებ

საქართველოს სსრ უზენაესი საბჭოს პრეზიდიუმი ადგენს:

1. მხარი დაუჭიროს საზოგადოებრივ აზრს, სტუდენტი ახალგაზრდობის და მშრომელთა წინადადებებს ქ. თბილისის კალინინის, კიროვის, ორჯონიკიძის, 26 კომისრის, პირველი მაისისა და საქარხნო რაიონებისათვის სახელის გადარჩევის შესახებ, რომლებიც მოიწონეს შესაბამისი რაიონული საბჭოების სესიებმა და თბილისის სახალხო დეპუტატთა საქალაქო საბჭოს აღმასკომმა.

2. ეწოდოს კალინინის რაიონს — მთაწმინდის რაიონი, კიროვის რაიონს — კრწანისის რაიონი, ორჯონიკიძის რაიონს — ვაკის რაიონი, 26 კომისრის რაიონს — ისნის რაიონი, პირველი მაისის რაიონს — დიდუბის რაიონი და საქარხნო რაიონს — სამგორის რაიონი.

საქართველოს სსრ უზენაესი საბჭოს პრეზიდიუმის თავმჯდომარე ბ. გუმბარაძე.

საქართველოს სსრ უზენაესი საბჭოს პრეზიდიუმის მდივანი ვ. კობახიძე.

თბილისი, 1990 წლის 8 ივნისი.

№ 2671—XI

საქართველოს სსრ უზენაესი საბჭოს პრეზიდიუმის ბრძანებულება

141 რაიონისა და ქალაქის სახელწოდების აღდგენის, ზოგირითი სასოფლო საბჭოსა და სოფლისათვის სახელის გადასმების შესახებ

საქართველოს სსრ უზენაესი საბჭოს პრეზიდიუმი ადგენს:

1. მხარი დაეჭიროს საზოგადოებრივ აზრს და მშრომელთა წინადადებებს ბაღდათის რაიონისა და ქ. ბაღდათის სახელწოდების აღდგენის შესახებ, რომლებიც მოიწონა მიაკოვსკის სახალხო დემუტატთა რაიონული საბჭოს სესიამ.

2. გადაერქვას სახელი ზოგიერთ სასოფლო საბჭოს და სოფელს და ეწოდოს:

ვანის რაიონის კიროვის სასოფლო საბჭოს და სოფელ კიროვს — სალომინაოს სასოფლო საბჭო და სოფელი სალომინაო;

კასპის რაიონის ზემო ხანდაკის სასოფლო საბჭოს სოფელ ფაშიანს — სოფელი კალოუბანი, ყარაღაჯის სასოფლო საბჭოს და ამ საბჭოში შემავალ სოფელ ყარაღაჯს — თელიანის სასოფლო საბჭო და სოფელი თელიანი;

ლაგოდეხის რაიონის ორჯონიკიძის სასოფლო საბჭოს და სოფელ ორჯონიკიძეს — გიორგეთის სასოფლო საბჭო და სოფელი გიორგეთი; ყარსუბნის სასოფლო საბჭოს და სოფელ ყარსუბანს — კართუბნის სასოფლო საბჭო და სოფელი კართუბანი, ცოდნის სასოფლო საბჭოს და სოფელ ცოდნას — მაწიმის სასოფლო საბჭო და სოფელი მაწიმი;

მცხეთის რაიონის მისაქციელის სასოფლო საბჭოს სოფელ ნაოზას — სოფელი ნავაზი;

ონის რაიონის შეუბნის სასოფლო საბჭოს სოფელ ანკარას — სოფელი ქრისტესი;

ხარაგაულის რაიონის ბორითის სასოფლო საბჭოს სოფელ ციხისძირს — სოფელი ამაშუკეთი;

ზობის რაიონის ალიონის სასოფლო საბჭოს და სოფელ ალიონს — ზემო ქვალონის სასოფლო საბჭო და სოფელი ზემო ქვალონი;
 ხონის რაიონის ნახახუღევის სასოფლო საბჭოს სოფელ წითელვარსკვლავს — სოფელი საწულუჭიძო.

საქართველოს სსრ უზენაესი საბჭოს პრეზიდიუმის თავმჯდომარე გ. გუმბარჩია.

საქართველოს სსრ უზენაესი საბჭოს პრეზიდიუმის მდივანი ვ. კვარაცხელია.

თბილისი, 1990 წლის 8 ივნისი.

№ 2672—XI

საქართველოს სსრ უზენაესი საბჭოს პრეზიდიუმის ბრძანებულება

142 საქართველოს სსრ უზენაესი საბჭოს მოწვევის შესახებ

საქართველოს სსრ უზენაესი საბჭოს პრეზიდიუმი ადგენს:

მოწვეულ იქნეს საქართველოს საბჭოთა სოციალისტური რესპუბლიკის მეთერთმეტე მოწვევის უზენაესი საბჭოს რიგგარეშე მეთხუთმეტე სესია 1990 წლის 20 ივნისს ქ. თბილისში.

საქართველოს სსრ უზენაესი საბჭოს პრეზიდიუმის თავმჯდომარე გ. გუმბარჩია.

საქართველოს სსრ უზენაესი საბჭოს პრეზიდიუმის მდივანი ვ. კვარაცხელია.

თბილისი, 1990 წლის 10 ივნისი.

№ 2674—XI

საქართველოს სსრ უზენაესი საბჭოს პრეზიდიუმის ბრძანებულება

143 საქართველოს სსრ საბინაო კოდექსის 47-ე მუხლში დამატების შეტანის შესახებ

„საქართველოს სსრ საპატიო წოდება „ქართველის დედის“ დაწესების შესახებ“ საქართველოს სსრ უზენაესი საბჭოს პრეზიდიუმის 1990 წლის 25 აპრილის ბრძანებულების შესაბამისად საქართველოს სსრ უზენაესი საბჭოს პრეზიდიუმი ადგენს:

საქართველოს სსრ 1983 წლის 4 ივნისის კანონით დამტკიცებულ საქართველოს სსრ საბინაო კოდექსის (საქართველოს სსრ უმაღლესი საბჭოს უწყებები, 1983 წ., № 6, მუხ. 199; 1989 წ., № 7, მუხ. 127) 47-ე მუხლს დაემატოს შემდეგი შინაარსის მე-5 პუნქტი:

„5) დედებს, რომელთაც მიენიჭათ „ქართველის დედის“ საპატიო წოდება“. ამასთან დაკავშირებით მე-5 პუნქტი ჩაითვალოს მე-6 პუნქტად.

საქართველოს სსრ უზენაესი საბჭოს პრეზიდიუმის თავმჯდომარე გ. გუმბარძიძე.
საქართველოს სსრ უზენაესი საბჭოს პრეზიდიუმის მდივანი ვ. კვარაცხელია.

თბილისი, 1990 წლის 14 ივნისი.

№ 2677—XI

საქართველოს სსრ უზენაესი საბჭოს პრეზიდიუმის ბრძანებულება

144 თ. შ. კახულაშვილს საქართველოს სსრ უზენაესი საბჭოს პრეზიდიუმის თავმჯდომარის მოადგილის მოვალეობისაგან განთავისუფლების შესახებ

საქართველოს სსრ უზენაესი საბჭოს პრეზიდიუმი ადგენს:

განთავისუფლდეს თამარ შალვას ასული კახულაშვილი საქართველოს სსრ უზენაესი საბჭოს პრეზიდიუმის თავმჯდომარის მოადგილის მოვალეობისაგან სხვა სამუშაოზე გადაყვანასთან დაკავშირებით.

საქართველოს სსრ უზენაესი საბჭოს პრეზიდიუმის თავმჯდომარე გ. გუმბარძიძე.
საქართველოს სსრ უზენაესი საბჭოს პრეზიდიუმის მდივანი ვ. კვარაცხელია.

თბილისი, 1990 წლის 18 ივნისი.

№ 2680—XI

საქართველოს სსრ უზენაესი საბჭოს პრეზიდიუმის დადგენილება

145 საქართველოს სახელმწიფოებრივი დამოუკიდებლობის აღდგენის სამართლებრივი მექანიზმის შემუშავების შესახებ

საქართველოს სსრ უზენაესი საბჭოს პრეზიდიუმი ადგენს:

1. „საქართველოს სახელმწიფოებრივი დამოუკიდებლობის აღდგენის სამართლებრივი მექანიზმის შექმნის შესახებ“ საქართველოს სსრ მეთერთმეტე მოწვევის რიგგარეშე მეთხუთმეტე სესიის დადგენილების შესაბამისად საქართველოს სახელმწიფოებრივი დამოუკიდებლობის აღდგენის სამართლებრივი მექანიზმის შემუშავება საერთაშორისო სამართლის ნორმათა საფუძველზე დაევალოს სესიის მიერ შექმნილ სარედაქციო კომისიას.

2. კომისიის მუშაობაში მონაწილეობისათვის მიზიდულ იქნენ დაინტერესებული საზოგადოებრივ-პოლიტიკური ორგანიზაციების, მოძრაობებისა და პარტიების წარმომადგენლები.



3. შეიქმნას კომისიის შესაბამისი სამუშაო ჯგუფები სპეციალისტების მონაწილეობით.

4. დაევალოს კომისიის ხელმძღვანელობას და რესპუბლიკის მთავრობას შეიმუშაონ სათანადო წინადადებები საკავშირო ორგანოებში წარსადგენად.

საქართველოს სსრ უზენაესი საბჭოს პრეზიდიუმის თავმჯდომარე **ბ. გუმბარძია**.
საქართველოს სსრ უზენაესი საბჭოს პრეზიდიუმის მდივანი **პ. კვარაცხელია**.

თბილისი, 1990 წლის 22 ივნისი.
№ 2686—XI

საქართველოს სსრ უზენაესი საბჭოს პრეზიდიუმის ბრძანებულება

146 ნ. ა. ყურაშვილის საქართველოს სსრ სახელმწიფო არბიტრაჟის სახელმწიფო არბიტრალ დანიშვნის შესახებ

საქართველოს სსრ უზენაესი საბჭოს პრეზიდიუმი ადგენს:
დაინიშნოს ნატალია ავთანდილის ასული ყურაშვილი საქართველოს სსრ სახელმწიფო არბიტრაჟის სახელმწიფო არბიტრალად.

საქართველოს სსრ უზენაესი საბჭოს პრეზიდიუმის თავმჯდომარე **ბ. გუმბარძია**.
საქართველოს სსრ უზენაესი საბჭოს პრეზიდიუმის მდივანი **პ. კვარაცხელია**.

თბილისი, 1990 წლის 27 ივნისი.
№ 2688—XI

საქართველოს სსრ უზენაესი საბჭოს პრეზიდიუმის ბრძანებულება

147 შ. კ. შარტავას საქართველოს სსრ სახალხო კონტროლის კომიტეტის თავმჯდომარედ დანიშვნის შესახებ

საქართველოს სსრ უზენაესი საბჭოს პრეზიდიუმი ადგენს:
დაინიშნოს ჟიული კალისტრატეს ძე შარტავა საქართველოს სსრ სახალხო კონტროლის კომიტეტის თავმჯდომარედ.

საქართველოს სსრ უზენაესი საბჭოს პრეზიდიუმის თავმჯდომარე **ბ. გუმბარძია**.
საქართველოს სსრ უზენაესი საბჭოს პრეზიდიუმის მდივანი **პ. კვარაცხელია**.

თბილისი, 1990 წლის 28 ივნისი.
№ 2693—XI

საქართველოს სსრ XI მოწვევის უზენაესი საბჭოს XV რიგგარეშე სესიის მიერ მიღებული კანონი და დადგენილება

საქართველოს სსრ უზენაესი საბჭოს დადგენილება

148 საქართველოს სახელმწიფო სუვერენიტეტის დაცვის გარანტიების უზენაესი საბჭოს სსრ უზენაესი საბჭოს 1990 წლის 9 მარტის დადგენილებაში (საქართველოს სსრ უზენაესი საბჭოს უწყებები, 1990 წ. № 3, მუხ. 52) შეტანილ იქნეს შემდეგი დამატებები:

საქართველოს საბჭოთა სოციალისტური რესპუბლიკის უზენაესი საბჭო ადგენს:

„საქართველოს სახელმწიფო სუვერენიტეტის დაცვის გარანტიების შესახებ“ საქართველოს სსრ უზენაესი საბჭოს 1990 წლის 9 მარტის დადგენილებაში (საქართველოს სსრ უზენაესი საბჭოს უწყებები, 1990 წ. № 3, მუხ. 52) შეტანილ იქნეს შემდეგი დამატებები:

1. დადგენილებას მეთე აბზაცის შემდეგ დაემატოს შემდეგი აბზაცი:

„აღნიშნავს რა, რომ ინტერვენციისა და ოკუპაციის შედეგად საქართველოში დამყარებული ხელისუფლება — ჯერ არაარჩევითი ხელისუფლება (რევოლუციური კომიტეტები), ხოლო შემდგომ შეზღუდული, ვიწრო კლასობრივ საწყისებზე აგებული საბჭოები — არ გამოხატავდა ქართველი ხალხის ქვეშევრდომობას, თავისუფალ ნება-სურვილს, საქართველოს სსრ უზენაესი საბჭო აცხადებს უკანონოდ და ბათილად ყველა აქტს, რომელიც აუქმებდა საქართველოს დემოკრატიული რესპუბლიკის პოლიტიკურ და სხვა ინსტიტუტებს და ცვლიდა მათ გარეშე ძალაზე დამყარებული პოლიტიკური და სამართლებრივი დაწესებულებებით (ე. წ. საქართველოს რევკომის 1921 წლის 16 და 26 თებერვლის, 24 მარტის გადაწყვეტილებანი და სხვ.)“.

2. დადგენილებას ბოლოში დაემატოს შემდეგი ტექსტი: „დაიწყოს მოლაპარაკება საქართველოს სსრ და რუსეთის საბჭოთა ფედერაციულ სოციალისტურ რესპუბლიკას შორის პრინციპულად ახალი, სუვერენული სახელმწიფოებისათვის შესაფერისი ურთიერთობების დამყარების მიზნით, რასაც საფუძვლად უნდა დაედოს 1921 წლის თებერვალ-მარტში რსფს რესპუბლიკის მთავრობის მიერ საქართველოს დემოკრატიულ რესპუბლიკასთან 1920 წლის 7 მაისს დადებული ხელშეკრულების უხეში დარღვევის ფაქტის აღიარება და მისი პოლიტიკური და სამართლებრივი შედეგების სათანადო შეფასება რსფს რესპუბლიკის უზენაესი საბჭოს მიერ.“

მძიმე წარსულის, გარეშე ძალაზე დაყრდნობით საბჭოთა ხელისუფლების დამყარების უდავო ფაქტის მიუხედავად, საქართველოს სსრ უზენაესი საბჭო ითვალისწინებს პოლიტიკურ რეალიტებს, სახელმწიფო ხელისუფლების ჩასახვისა და განვითარების ისტორიულ გამოცდილებას, საქართველოში თუნდაც ნაკლებად დემოკრატიული, მაგრამ მაინც არჩევითი პოლიტიკური ინსტიტუტების მოქმედებისა და მათი საკავშირო პოლიტიკურ სისტემაში ფუნქციონირ-



რების ფაქტს, რაც გადამწყვეტ როლს ასრულებს ნებისმიერი ხელისუფლების არსებობის იურიდიული საფუძვლის შეფასებისას. დღეს მხოლოდ საქართველოს სსრ უზენაეს საბჭოს შეუძლია და უფლებამოსილია სამართლებრივი გზით შექმნას ყველა პირობა საქართველოში ქემშარტიად დემოკრატიულ, მრავალპარტიულ საწყისებზე აგებული ხელისუფლების უმაღლესი და ადგილობრივი ორგანოების ჩამოყალიბებისათვის, საზოგადოების ყველა ფენისა და პოლიტიკური მრწამსის მქონე ადამიანთა ინტერესების გათვალისწინებით, რაც აუცილებელი საწინდარია საქართველოს სახელმწიფოებრივი დამოუკიდებლობის აღდგენასთან დაკავშირებული შემდგომი ნაბიჯების გადადგმისათვის.

საქართველოს სსრ უზენაეს საბჭოს კარგად ესმის ის უდიდესი პასუხისმგებლობა ქართველი ხალხის წინაშე, რომელიც ეკისრება მას, მის თითოეულ წევრს საქართველოსათვის გადამწყვეტ ისტორიულ ეტაპზე, და მოუწოდებს ქართველ ხალხს, საქართველოში მცხოვრებ ყველა ადამიანს. ერთობლივ ძალისხმევით მიაღწიონ სანუკვარ მიზანს — საქართველოს სახელმწიფოებრივი დამოუკიდებლობის აღდგენას“.

საქართველოს სსრ უზენაესი საბჭოს პრეზიდიუმის თავმჯდომარე **ბ. გუმბარძია**.

საქართველოს სსრ უზენაესი საბჭოს პრეზიდიუმის მდივანი **ბ. კვარაცხელია**.

თბილისი, 1990 წლის 20 ივნისი.

№ 217—XI ს.

საქართველოს სსრ უზენაესი საბჭოს დადგენილება

149 საქართველოს სახელმწიფოებრივი დამოუკიდებლობის აღდგენის სამართლებრივი მიზანმიმართული ღონისძიების შესახებ

ხელმძღვანელობს რა ქართველი ხალხის ეროვნული სუვერენიტეტის იმპერატივებით, თანამედროვე საერთაშორისო სამართლის ძირითადი პრინციპებით აღიარებული და გარანტირებული ყოველი ერის თვითგამორკვევის უფლების ხელშეუხებლობით, სხვა ნორმებით, მათ შორის გაერთიანებული ერების ორგანიზაციის წესდებით, ადამიანის უფლებათა შესახებ საერთაშორისო პაქტებით, აგრეთვე პელსინკისა და ვენის ფორუმების დასკვნით და შემაჯამებული აქტებით;

აღნიშნავს რა, რომ ქართველმა ხალხმა განახორციელა ეს უფლება 1918 წლის 26 მაისს საქართველოს დემოკრატიული რესპუბლიკის შექმნით;

აღიარებს რა საქართველოს უფლებას აღადგინოს სახელმწიფოებრივი დამოუკიდებლობა, რომელიც დაკარგა 1921 წელს რსფსრ მთავრობის მიერ 1920 წლის 7 მაისის ხელშეკრულების დარღვევის შედეგად, რაც ინტერვენციით, ოკუპაციითა და ფაქტობრივი ანექსიით გამოხატა;

გენიადან საქართველოს სსრ უზენაესი საბჭოს 1990 წლის 9 მარტის განცხადებით დადგინდა, რომ საქართველოს სახელმწიფოებრივი დამოუკიდებლობის აღდგენის პროცესს, რისთვისაც საჭიროა ქმედითი სამართლებრივი ღონისძიებების განხორციელება, უკვე მიღწეულის დაცვა და დამოუკიდებლობისაკენ შემდგომი ნაბიჯების გადადგმა, —

საქართველოს საბჭოთა სოციალისტური რესპუბლიკის უზენაესი საბჭო ადგენს:

შემუშავდეს საქართველოს სახელმწიფოებრივი დამოუკიდებლობის აღდგენის სამართლებრივი მექანიზმი საერთაშორისო სამართლის ნორმათა საფუძველზე.

ამ მიზნით შეიქმნას კომისია საქართველოს სსრ უზენაესი საბჭოს დეპუტატების, აგრეთვე სპეციალისტების, პოლიტიკური პარტიების, საზოგადოებრივ-პოლიტიკური ორგანიზაციებისა და მოძრაობების წარმომადგენლებისაგან და დაევალოს საქართველოს სსრ უზენაესი საბჭოს პრეზიდიუმს განსაზღვროს კომისიის პერსონალური შემადგენლობა.

საქართველოს სსრ უზენაესი საბჭოს პრეზიდიუმის თავმჯდომარე ვ. გუმბარჩიძე.

საქართველოს სსრ უზენაესი საბჭოს პრეზიდიუმის მდივანი ვ. კვარაცხელია.

თბილისი, 1990 წლის 20 ივნისი.

№ 218—XI ს.

საქართველოს სსრ უზენაესი საბჭოს დადგენილება

150 საქართველოს სსრ მოქალაქეობის კანონის პროექტის თაობაზე

საქართველოს საბჭოთა სოციალისტური რესპუბლიკის უზენაესი საბჭო ადგენს:

1. ინფორმაცია საქართველოს სსრ მოქალაქეობის კანონის პროექტის თაობაზე მიღებულ იქნეს ცნობად.

2. საქართველოს სსრ უზენაესი საბჭოს პრეზიდიუმის შესაბამისმა სამუშაო ჯგუფმა აღნიშნული კანონპროექტის ვარიანტის შემუშავების შემდეგ დაუზღავნოს იგი დეპუტატებს, ექსპერტ-სპეციალისტებს, დაინტერესებულ ორგანიზაციებსა და მოძრაობებს და შემოსული წინადადებებისა და შენიშვნების



გათვალისწინებით წარმოადგინოს რესპუბლიკის უზენაესი საბჭოს განსახილველად.

საქართველოს სსრ უზენაესი საბჭოს პრეზიდიუმის თავმჯდომარე **ბ. გუშბარძია**.
საქართველოს სსრ უზენაესი საბჭოს პრეზიდიუმის მდივანი **ვ. კვარაცხელია**.

თბილისი, 1990 წლის 20 ივნისი.
№ 219—XI ს.

საქართველოს სსრ უზენაესი საბჭოს დადგენილება

151 საქართველოს უზენაესი საბჭოს დეპუტატთა არჩევნების უზენაესი საბჭოს კანონის ძირითადი კონცეფციისა და საქართველოს უზენაესი საბჭოს დეპუტატთა არჩევნების დანიშვნის თაობაზე

განიხილა რა საქართველოს უზენაესი საბჭოს დეპუტატთა არჩევნების შესახებ კანონის ძირითადი კონცეფცია, საქართველოს საბჭოთა სოციალისტური რესპუბლიკის უზენაესი საბჭო ადგენს:

1. დაევალოს საქართველოს სსრ კონსტიტუციის (ძირითადი კანონის) ცვლილებებისა და დამატებების შესახებ საქართველოს სსრ კანონის, საქართველოს სსრ უზენაესი საბჭოს დეპუტატთა არჩევნების შესახებ საქართველოს სსრ კანონისა და საქართველოს სსრ სახალხო დეპუტატთა ადგილობრივი საბჭოების დეპუტატების არჩევნების შესახებ საქართველოს სსრ კანონის პროექტების შემუშავებელ საქართველოს სსრ უზენაესი საბჭოს პრეზიდიუმის კომისიას პოლიტიკურ პარტიებთან, საზოგადოებრივ-პოლიტიკურ ორგანიზაციებსა და მასობრივ მოძრაობებთან ერთად ერთი თვის ვადაში მოამზადოს განსახილველად და მისაღებად საქართველოს უზენაესი საბჭოს დეპუტატთა არჩევნების შესახებ კანონის პროექტი.

2. საქართველოს უზენაესი საბჭოს დეპუტატთა არჩევნების კანონის პროექტს საფუძვლად დაედოს მრავალპარტიული არჩევნები მაკორიტარული და პროპორციული საარჩევნო სისტემების გათვალისწინებით.

3. დაინიშნოს საქართველოს უზენაესი საბჭოს დეპუტატთა არჩევნები კვირას, 1990 წლის 28 ოქტომბერს.

საქართველოს სსრ უზენაესი საბჭოს პრეზიდიუმის თავმჯდომარე **ბ. გუშბარძია**.
საქართველოს სსრ უზენაესი საბჭოს პრეზიდიუმის მდივანი **ვ. კვარაცხელია**.

თბილისი, 1990 წლის 20 ივნისი.
№ 220—XI ს.



საქართველოს სსრ უზენაესი საბჭოს დადგენილება

152 მოქალაქეთა საზოგადოებრივი გაერთიანებების, მათ შორის პოლიტიკური პარტიების, მასობრივი მოძრაობების, პროფესიული და შემოქმედებითი კავშირების, ნებაყოფლობითი საზოგადოებების, ასოციაციების უზენაესი საბჭოს დადგენილება

საქართველოს საბჭოთა სოციალისტური რესპუბლიკის უზენაესი საბჭო ადგენს:

გაგრძელდეს მუშაობა „მოქალაქეთა საზოგადოებრივი გაერთიანებების, მათ შორის პოლიტიკური პარტიების, მასობრივი მოძრაობების, პროფესიული და შემოქმედებითი კავშირების, ნებაყოფლობითი საზოგადოებების, ასოციაციების შესახებ“ კანონის პროექტზე აღნიშნული კანონისა და „საქართველოს უზენაესი საბჭოს დეპუტატთა არჩევნების შესახებ“ კანონის პროექტების ურთიერთშესაბამისობის უზრუნველყოფის მიზნით.

საქართველოს სსრ უზენაესი საბჭოს პრეზიდიუმის თავმჯდომარე ბ. გუმბარჩია.

საქართველოს სსრ უზენაესი საბჭოს პრეზიდიუმის მდივანი ვ. კვარაცხელია.

თბილისი, 1990 წლის 20 ივნისი.

№ 221—XI ს.

საქართველოს სსრ უზენაესი საბჭოს დადგენილება

153 საქართველოს სსრ ეკონომიკური დამოუკიდებლობის საფუძვლების შესახებ საქართველოს სსრ კანონის პროექტის თაობაზე

საქართველოს საბჭოთა სოციალისტური რესპუბლიკის უზენაესი საბჭო ადგენს:

მოწონებულ იქნეს პირველი წაკითხვით „საქართველოს სსრ ეკონომიკური დამოუკიდებლობის საფუძვლების შესახებ“ საქართველოს სსრ კანონის პროექტი.

საქართველოს სსრ უზენაესი საბჭოს პრეზიდიუმის თავმჯდომარე ბ. გუმბარჩია.

საქართველოს სსრ უზენაესი საბჭოს პრეზიდიუმის მდივანი ვ. კვარაცხელია.

თბილისი, 1990 წლის 20 ივნისი.

№ 222—XI ს.

საქართველოს სსრ უზენაესი საბჭოს დადგენილება

154 შრომითი (ალტერნატიული) სამსახურის უზენაესი

საქართველოს საბჭოთა სოციალისტური რესპუბლიკის უზენაესი საბჭო
 ადგენს:

1. საქართველოს სსრ უზენაესი საბჭოს პრეზიდიუმმა შეიმუშაოს და მიიღოს „შრომითი (ალტერნატიული) სამსახურის შესახებ“ საქართველოს სსრ კანონის სამოქმედოდ შემოღების წესი.

2. საქართველოს სსრ მინისტრთა საბჭომ:

შეიმუშაოს დებულებები შრომითი (ალტერნატიული) სამსახურის გავლის წესისა და პირობების და შრომითი (ალტერნატიული) სამსახურის კომისიების შესახებ;

განსაზღვროს საზოგადოებისათვის განსაკუთრებით საჭირო სამუშაოების (მშენებლობა, ტრანსპორტი, კომუნალური მეურნეობა, ჯანმრთელობის დაცვა და სხვ), აგრეთვე კატასტროფებისა და სტიქიური თუ ეკოლოგიური უბედურებების შედეგების სალიკვიდაციო სამუშაოების ნუსხა, სადაც უნდა იმუშაონ მოქალაქეებმა შრომითი (ალტერნატიული) სამსახურის გავლის დროს;

გაითვალისწინოს რესპუბლიკის ეკონომიკური და სოციალური განვითარების გეგმაში სათანადო ცვლილებები.

საქართველოს სსრ უზენაესი საბჭოს პრეზიდიუმის თემგჯდომარე **მ. ზუმბარძია**.

საქართველოს სსრ უზენაესი საბჭოს პრეზიდიუმის მდივანი **მ. კვარაცხელია**.

თბილისი, 1990 წლის 20 ივნისი.

№ 223—XI ს.

155 საქართველოს სსრ კანონი შრომითი (ალტერნატიული) სამსახურის უზენაესი

თ ა ვ ი

ზოგადი დებულებანი

მუხლი 1. შრომითი სამსახური სამხედრო სამსახურის ალტერნატივაა. იგი არის საქართველოს სსრ მოქალაქის შრომითი მოვალეობა — იმსახუროს საქართველოს სსრ საწარმოებში, დაწესებულებებსა და ორგანიზაციებში.

მუხლი 2. შრომითი სამსახური ითვალისწინებს მოქალაქის მიერ საზოგადოებისათვის განსაკუთრებით საჭირო, მძიმე, შრომის მავნე ან საშიშ პირობებში, ნაკლებკვალიფიციური, დამხმარე სამუშაოების, აგრეთვე კატასტროფებისა და სხვა სტიქიური უბედურებების შედეგების სალიკვიდაციო სამუშაოების შესრულებას.



მუხლი 3. შრომით სამსახურში გაიწვევიან საქართველოს სსრ 18-27 წლის ასაკის მოქალაქეები, რომლებიც იმყოფებიან სამხედრო აღრიცხვაზე, ექვემდებარებიან ნამდვილ სამხედრო სამსახურში გაწვევას და პოლიტიკური, რელიგიური-ეთნიკური ან პაფიციისტური მოტივით უარს აცხადებენ შეიარაღებულ ძალებში სამსახურზე.

მუხლი 4. შრომითი სამსახურის ვადაა 24 თვე, ხოლო უმაღლეს დამთავრებულთათვის — 12 თვე.

შრომითი სამსახურის გავლის შემდეგ შრომავალდებული შეიძლება გაიწვიონ შრომითი მობილიზაციით სამ თვემდე ვადით კატასტროფებისა და სტიქიური თუ ეკოლოგიური უბედურებების შედეგების სალიკვიდაციო სამუშაოებზე, თუ არ იქნება ამ კანონის მე-8 მუხლის II ნაწილში აღნიშნული საფუძვლები.

მუხლი 5. მოქალაქენი შრომით სამსახურს გადიან საქართველოს ტერიტორიაზე შრომითი სამსახურის კომისიების მიერ განსაზღვრულ ადგილებში.

მუხლი 6. შრომითი სამსახურის აღრიცხვაზე აყვანისას პირი თავისუფლდება სამხედრო სამსახურისაგან.

თადარიგის სამხედრო ვალდებულს უფლება აქვს ამ კანონის მე-3 მუხლში აღნიშნული მოტივების გამო უარი თქვას სამხედრო სამსახურზე და მოითხოვოს შრომითი სამსახურის აღრიცხვაზე აყვანა.

მუხლი 7. შრომით სამსახურში არ გაიწვევიან:

- 1) მოქალაქეები, რომელთაც მოიხადეს სავალდებულო სამხედრო სამსახური;
- 2) პირები, რომლებიც ჯანმრთელობის მდგომარეობის გამო გამოუსადეგარნი არიან ნამდვილი სამხედრო სამსახურისათვის;
- 3) I და II ჯგუფის ინვალიდები;
- 4) პირები, რომლებიც სასამართლოს მიერ ცნობილი არიან ქმედუუნაროდ;
- 5) მოქალაქენი, რომელთაც გადაუვადდათ სამხედრო სამსახურში გაწვევა;
- 6) უმაღლესი სასწავლებლების დღის სწავლების სტუდენტები;
- 7) რელიგიური სასწავლებლების მსმენელები;
- 8) სასულიერო პირნი.

მუხლი 8. ორმოცდაათი წლის მიღწევის შემდეგ შრომავალდებული იხსნება შრომითი სამსახურის აღრიცხვიდან.

შრომავალდებული ვადაზე ადრე მოიხსნება შრომითი სამსახურის აღრიცხვიდან, თუ იგი:

- ა) ჯანმრთელობის მდგომარეობის გაუარესების გამო გამოუსადეგარი გახდა შრომითი სამსახურისათვის;
- ბ) გახდა I ან II ჯგუფის ინვალიდი;
- გ) სასამართლოს მიერ ცნობილია ქმედუუნაროდ.

59961

თ ა ვ ი II

შრომით სამსახურში გაწვევა

მუხლი 9. შრომით სამსახურში გაწვევის ორგანიზაციასა და კონტროლს ახორციელებს საქართველოს სსრ მინისტრთა საბჭოსთან არსებული შრომითი სამსახურის მთავარი კომისია.

რაიონის (ქალაქის) სახალხო დეპუტატთა საბჭოების აღმასკომებთან იქმნება შრომითი სამსახურის რაიონული (საქალაქო) კომისიები.

მუხლი 10. მოქალაქეს, რომელიც ამ კანონის მე-3 მუხლში აღნიშნული მოტივებით უარს აცხადებს შეიარაღებულ ძალებში სამსახურზე, სავალდებულო სამხედრო სამსახურში მორიგე გაწვევამდე საცხოვრებელი ადგილის მიხედვით შრომითი სამსახურის რაიონულ (საქალაქო) კომისიაში შეაქვს განცხადება შრომითი სამსახურის გავლის შესახებ.

შრომითი სამსახურის რაიონული (საქალაქო) კომისია მოვალეა 10 დღის ვადაში განიხილოს განცხადება და მიიღოს შესაბამისი გადაწყვეტილება.

დადებითი გადაწყვეტილების მიღების მომენტიდან მოქალაქე ჩაითვლება შრომავალდებულად და შესაბამისად გათავისუფლდება სამხედრო კომისარიატში წვევამდელთა აღრიცხვიდან.

მუხლი 11. მოქალაქის თხოვნის დაკმაყოფილების შემთხვევაში შრომითი სამსახურის რაიონული (საქალაქო) კომისია თავისი გადაწყვეტილების ასლს სამი დღის ვადაში უგზავნის დაინტერესებულ მოქალაქეს და შესაბამის სამხედრო კომისარიატს.

მუხლი 12. შრომითი სამსახურის რაიონული (საქალაქო) და მთავარი კომისიის ორგანიზაციისა და საქმიანობის წესს განსაზღვრავს საქართველოს სსრ მინისტრთა საბჭოს მიერ მიღებული დებულება შრომითი (ალტერნატიული) სამსახურის კომისიების შესახებ.

თ ა ვ ი III

დავის გადაწყვეტის წესი

მუხლი 13. შრომითი სამსახურის რაიონული (საქალაქო) კომისიის გადაწყვეტილება შრომით სამსახურში გაწვევაზე უარის თქმის შესახებ შეიძლება გასაჩივრდეს შრომითი სამსახურის მთავარ კომისიაში გაწვევაზე უარის თქმის შემდეგ 10 დღის ვადაში. შრომითი სამსახურის მთავარი კომისია საჩივარს განიხილავს განცხადების შემოსვლიდან 14 დღის ვადაში.

თუ მოქალაქე არ ეთანხმება შრომითი სამსახურის მთავარი კომისიის გადაწყვეტილებას, მას შეუძლია საჩივრით მიმართოს რაიონულ (საქალაქო) სახალხო სასამართლოს იმ წესითა და იმ ვადებში, რაც დადგენილია საქართველოს სსრ სამოქალაქო სამართლის საპროცესო კოდექსით.

რაიონული (საქალაქო) სახალხო სასამართლოს გადაწყვეტილება შეიძლება

გასაჩივრდეს სამოქალაქო სამართალწარმოებით დადგენილი წესითა და ვადებში.

მუხლი 14. დავის საბოლოო გადაწყვეტამდე მოქალაქე სავალდებულო სამხედრო სამსახურში გაწვევას არ ექვემდებარება.

მუხლი 15. მოქალაქის თხოვნის დაუკმაყოფილებლობის შემთხვევაში იმავე მოტივით განცხადების შეტანა არ დაიშვება.

თ ა ვ ი IV

შრომითი სამსახურის გავლა

მუხლი 16. შრომით სამსახურში გაწვევის საფუძველია შრომითი სამსახურის კომისიის ან სასამართლოს გადაწყვეტილება.

მუხლი 17. შრომავალდებული შრომითი სამსახურის კომისიის მიმართვით იგზავნება ამ კომისიის მიერ მითითებულ სამუშაო ადგილზე.

შრომავალდებული მოვალეა გამოცხადდეს სამუშაო ადგილზე კომისიის მიერ განსაზღვრულ ვადაში.

მუხლი 18. საწარმოს, დაწესებულების, ორგანიზაციის ადმინისტრაცია შრომითი სამსახურის კომისიის მიმართვის საფუძველზე მოვალეა დადოს შრომავალდებულთან შრომის ხელშეკრულება იმ წესით, რაც გათვალისწინებულია შრომის კანონმდებლობით.

შრომითი სამსახურის ვადა გამოითვლება სამუშაოზე მოქალაქის მიღების დღიდან, რის შესახებაც ადმინისტრაცია აცნობებს შრომითი სამსახურის შესაბამის კომისიას.

შრომითი სამსახური მოქალაქეს ეთვლება შრომის საერთო სტაჟში.

მუხლი 19. შრომითი სამსახურის გავლის წესსა და პირობებს განსაზღვრავს საქართველოს სსრ მინისტრთა საბჭოს მიერ დამტკიცებული დებულება შრომითი სამსახურის შესახებ.

თ ა ვ ი V

შრომითი სამსახურის შეწყვეტის საფუძველები

მუხლი 20. შრომითი სამსახურის შეწყვეტის საფუძველია:

- 1) შრომითი სამსახურიდან მოქალაქის ვადაზე აღრე გათავისუფლება;
- 2) შრომითი სამსახურის დადგენილ ვადაში დამთავრება.

მუხლი 21. შრომითი სამსახურიდან ვადაზე აღრე გათავისუფლების საკითხს წყვეტს შრომითი სამსახურიდან მთავარი კომისია შესაბამისი რაიონული (საქალაქო) შრომითი სამსახურის კომისიის წარდგინებით შემდეგ შემთხვევებში:

1) ჯანმრთელობის მდგომარეობის გაუარესების გამო, რაც შეუძლებელს ხდის შრომითი სამსახურის შემდგომ გაგრძელებას;

2) თუ პირი გახდა I ან II ჯგუფის ინვალიდი;

3) თუ პირი გახდა ოჯახის ერთადერთი მარჩენალი;

4) მეორე შვილის შექმნისას;

5) სასჯელის სახით თავისუფლების აღკვეთისას სამ წელზე მეტი ვადით, აგრეთვე სასჯელის სახით თავისუფლების აღკვეთისას სამ წლამდე ვადით, თუ პირს სასჯელის მოხდის პერიოდში შეუსრულდა 27 წელი;

6) თუ პირი გამოთქვამს სურვილს იმსახუროს შეიარაღებულ ძალებში.

შრომითი სამსახურიდან ვადაზე ადრე გათავისუფლების შესახებ ეცნობება შესაბამის სამხედრო კომისარიატს.

მუხლი 22. შრომითი სამსახურის ვადის შეჩერების პირობებსა და საფუძვლებს განსაზღვრავს დებულება შრომითი სამსახურის შესახებ.

მუხლი 23. შრომითი სამსახურის შესაბამისი რაიონული (საქალაქო) კომისია არა უგვიანეს ერთი თვისა მოქალაქის შრომითი (ალტერნატიული) სამსახურის დამთავრებამდე საწარმოს, დაწესებულების, ორგანიზაციის ადმინისტრაციას უგზავნის შეტყობინებას მოქალაქის შრომითი სამსახურის დამთავრების ვადის შესახებ.

მუხლი 24. იმ შემთხვევაში, თუ შრომითი სამსახურის გავლის შემდგომ მოქალაქე გამოთქვამს სურვილს იმუშაოს იმავე საწარმოში, დაწესებულებაში ან ორგანიზაციაში, იგი ადმინისტრაციასთან დებს ახალ შრომის ხელშეკრულებას შრომის კანონმდებლობის შესაბამისად.

მუხლი 25. შრომავალდებულ პირს შრომითი სამსახურის გავლის შემდეგ უფლება აქვს მიიღოს იგივე სამუშაო, რომელზეც იგი გაწვევამდე მუშაობდა.

თ ა ვ ი VI

დასკვნითი დებულებები

მუხლი 26. შრომით (ალტერნატიულ) სამსახურთან დაკავშირებული პასუხისმგებლობის საკითხები წყდება მოქმედი კანონმდებლობის შესაბამისად.

მუხლი 27. ომის მდგომარეობის ან საომარი მოქმედების შემთხვევაში ეს კანონი რჩება ძალაში, თუ არ იქნა მიღებული სხვა საკანონმდებლო აქტი.

საქართველოს სსრ უზენაესი საბჭოს პრეზიდიუმის თავმჯდომარე ბ. გუმბარჩიძე.

საქართველოს სსრ უზენაესი საბჭოს პრეზიდიუმის მდივანი ვ. კვარაცხელია.

საქართველოს სსრ უზენაესი საბჭოს დადგენილება

156

საქართველოს სსრ კონსტიტუციის 77-ე მუხლის საფუძველზე
სსრ კავშირის რიგი კანონების შეფასების შესახებ

ხელმძღვანელობს რა საქართველოს სსრ სუვერენიტეტის დაცვის აუცილებლობით და საქართველოს სახელმწიფოებრივი დამოუკიდებლობის აღდგენის ამოცანებით, საქართველოს სსრ კონსტიტუციის 77-ე მუხლის შესაბამისად საქართველოს საბჭოთა სოციალისტური რესპუბლიკის უზენაესი საბჭო ადგენს:

1. მიჩნეულ იქნეს, რომ სსრ კავშირიდან მოკავშირე რესპუბლიკის გასვლასთან დაკავშირებულ საკითხთა გადაწყვეტის წესის, კავშირისა და ფედერაციის სუბიექტებს შორის უფლებამოსილებათა ვაშიჩვენის, ეკონომიკური ურთიერთობის საფუძვლების, საკუთრების, საგანგებო წესების სამართლებრივი რეჟიმის შესახებ, აგრეთვე საშემოსავლო გადასახადებთან დაკავშირებული სსრ კავშირის კანონები არ შეესაბამება საქართველოს სსრ ინტერესებს.

2. საქართველოს სსრ უზენაესი საბჭოს პრეზიდიუმმა და საქართველოს სსრ მინისტრთა საბჭომ თავის საქმიანობაში იხელმძღვანელონ ამ დადგენილებით.

საქართველოს სსრ უზენაესი საბჭოს პრეზიდიუმის თავმჯდომარე ბ. ბუმბარძია.

საქართველოს სსრ უზენაესი საბჭოს პრეზიდიუმის მდივანი ვ. კვარაცხელია.

თბილისი, 1990 წლის 20 ივნისი.

№ 225—XI ს.

საქართველოს სსრ უზენაესი საბჭოს დადგენილება

157

საქართველოს სახელმწიფოებრივი დამოუკიდებლობის აღდგენის სამართლებრივი მექანიზმის შემუშავებელი კომისიის
შეამინის შესახებ

საქართველოს საბჭოთა სოციალისტური რესპუბლიკის უზენაესი საბჭო ადგენს:

შეიქმნას საქართველოს სახელმწიფოებრივი დამოუკიდებლობის აღდგენის სამართლებრივი მექანიზმის შემუშავებელი კომისია შემდეგი შემადგენლობით:

კომისიის თავმჯდომარე

გივი გრიგოლის ძე გუშბარიძე — საქართველოს სსრ უზენაესი საბჭოს პრეზიდიუმის თავმჯდომარე, საქართველოს კომპარტიის ცენტრალური კომიტეტის პირველი მდივანი, საქართველოს სსრ უზენაესი საბჭოს დეპუტატი.

კომისიის წევრები:

ზაურ ხაკის ძე ავიძბა — აფხაზეთის ასსრ საზოგადოება „ცოდნის“ გამგეობის თავმჯდომარე, საქართველოს სსრ უზენაესი საბჭოს დეპუტატი.

ზურაბ ივანეს ძე **ანჯაფარიძე** — საქართველოს შ. რუსთაველის სახელობის სახელმწიფო თეატრალური ინსტიტუტის პროფესორი, საქართველოს სსრ უზენაესი საბჭოს დეპუტატი.

ვალერიან როსტომის ძე **ასათიანი** — საქართველოს სსრ კულტურის მინისტრი, საქართველოს სსრ უზენაესი საბჭოს დეპუტატი.

არჩილ გრიგოლის ძე **გოგელია** — საქართველოს სსრ ტელევიზიისა და რადიომაუწყებლობის სახელმწიფო კომიტეტის თავმჯდომარე, საქართველოს სსრ უზენაესი საბჭოს დეპუტატი.

ლონგინოზ ლევანის ძე **ზაქაიძე** — საქართველოს სსრ პურპროდუქტების მინისტრი, საქართველოს სსრ უზენაესი საბჭოს დეპუტატი.

ალბერტ ნიციფორეს ძე **თავხელიძე** — საქართველოს სსრ მეცნიერებათა აკადემიის პრეზიდენტი, საქართველოს სსრ უზენაესი საბჭოს დეპუტატი.

ალექსანდრე ირაკლის ძე **კავსაძე** — გორის გაერთიანებული საქალაქო და რაიონული საბჭოების პრეზიდენტის თავმჯდომარე, საქართველოს კომპარტიის გორის საქალაქო კომიტეტის პირველი მდივანი, საქართველოს სსრ უზენაესი საბჭოს დეპუტატი.

კონსტანტინე ვახტანგის ძე **კაპანაძე** — საქართველოს კომპარტიის ცენტრალური კომიტეტის სოციალურ-ეკონომიკური განყოფილების გამგის მოადგილე, საქართველოს სსრ უზენაესი საბჭოს დეპუტატი.

გრიგოლ დავითის ძე **ლორთქიფანიძე** — საქართველოს თეატრის მოღვაწეთა კავშირის თავმჯდომარე, საქართველოს სსრ უზენაესი საბჭოს დეპუტატი.

ვაჟა გიორგის ძე **ლორთქიფანიძე** — საქართველოს სსრ მინისტრთა საბჭოს თავმჯდომარის მოადგილე, საქართველოს სსრ უზენაესი საბჭოს დეპუტატი.

ნოდარ რევაზის ძე **ნათაძე** — საქართველოს სახალხო ფრონტის თავმჯდომარე, საქართველოს სსრ უზენაესი საბჭოს დეპუტატი.

ლეილა რუბენის ასული **ონაშვილი** — გურჯაანის რაიონის სოფელ ვახისუბნის კოლმეურნე, საქართველოს სსრ უზენაესი საბჭოს დეპუტატი.

ვლადიმერ ალექსანდრეს ძე **პატიეშვილი** — სსრკ სახბანკის საქართველოს რესპუბლიკური ბანკის მმართველი, საქართველოს სსრ უზენაესი საბჭოს დეპუტატი.

ირაკლი სერვოს ძე **ჟორდანია** — საქართველოს სსრ მეცნიერებათა აკადემიის წევრ-კორესპონდენტი, საქართველოს სსრ უზენაესი საბჭოს დეპუტატთა არჩევნების ცენტრალური საარჩევნო კომისიის თავმჯდომარე, საქართველოს სსრ უზენაესი საბჭოს დეპუტატი.

ბაგრატ ბესარიონის ძე **ტეზოვი** — საქართველოს სსრ მეცნიერებათა აკადემიის სამხრეთ ოსეთის სამეცნიერო-კვლევითი ინსტიტუტის დირექტორი, საქართველოს სსრ უზენაესი საბჭოს დეპუტატი.

ლანა ლევანის ასული **ლოლობერიძე** — საქართველოს კინემატოგრაფისტთა კავშირის გამგეობის მდივანი, საქართველოს სსრ უზენაესი საბჭოს დეპუტატი.

ვიქტორ აბიბოხს ძე შარაშენიძე — საქართველოს სსრ იუსტიციის მინისტრი, საქართველოს სსრ უზენაესი საბჭოს დეპუტატი.

ნიკოლოზ გიორგის ძე ჩერქეზიშვილი — საქართველოს ყურნალისტა კავშირის თავმჯდომარე, საქართველოს სსრ უზენაესი საბჭოს დეპუტატი.

გიორგი შალვას ძე ციციშვილი — საქართველოს სსრ მეცნიერებათა აკადემიის წევრ-კორესპონდენტი, საქართველოს სსრ უზენაესი საბჭოს დეპუტატი.

ნიკო ზურაბის ძე ჭავჭავაძე — საქართველოს სსრ მეცნიერებათა აკადემიის წევრ-კორესპონდენტი, ფილოსოფიის ინსტიტუტის დირექტორი, საქართველოს სსრ უზენაესი საბჭოს დეპუტატი.

მიხეილ მიხეილის ძე ხანანაშვილი — სსრ კავშირის მედიცინის მეცნიერებათა აკადემიის ნამდვილი წევრი, საქართველოს სსრ უზენაესი საბჭოს დეპუტატი.

დავით ახმედის ძე ხახუთაიშვილი — საქართველოს სსრ მეცნიერებათა აკადემიის წევრ-კორესპონდენტი, ბათუმის ნ. ბერძენიშვილის სახელობის სამეცნიერო-კვლევითი ინსტიტუტის დირექტორი, საქართველოს სსრ უზენაესი საბჭოს დეპუტატი.

რუსუდან ალექსანდრეს ასული ჯაფარიძე — საქართველოს სსრ შრომისა და სოციალურ საკითხთა სახელმწიფო კომიტეტის თავმჯდომარე, საქართველოს სსრ უზენაესი საბჭოს დეპუტატი.

საქართველოს სსრ უზენაესი საბჭოს პრეზიდიუმის თავმჯდომარე ვ. გუმბარჩიძე.

საქართველოს სსრ უზენაესი საბჭოს პრეზიდიუმის მდივანი ვ. კვარაცხელია.

თბილისი, 1990 წლის 20 ივნისი.

№ 226—XI ს.

საქართველოს სსრ უზენაესი საბჭოს დადგენილება

158 რესპუბლიკის ტერიტორიაზე „დეკრეტული“ დროის გაუქმების შესახებ

საქართველოს საბჭოთა სოციალისტური რესპუბლიკის უზენაესი საბჭო ადგენს:

მოწონებულ იქნეს საქართველოს სსრ მინისტრთა საბჭოს წინადადება რესპუბლიკის ტერიტორიაზე „დეკრეტული“ დროის გაუქმების თაობაზე.

საქართველოს სსრ უზენაესი საბჭოს პრეზიდიუმის თავმჯდომარე ვ. გუმბარჩიძე.

საქართველოს სსრ უზენაესი საბჭოს პრეზიდიუმი მდივანი ვ. კვარაცხელია.

თბილისი, 1990 წლის 20 ივნისი.

№ 227—XI ს.

ბანუოფილება მეორე

საქართველოს სსრ უზენაესი საბჭოს პრეზიდიუმის ბრძანებულება

159 ვ. ს. ალვაძისათვის „საქართველოს სსრ მეცნიერების დამსახურებული მოღვაწის“ საპატიო წოდების მინიჭების შესახებ

ქართული ეკონომიკური აზროვნების განვითარებაში დიდი დამსახურებისა და ხანგრძლივი ნაყოფიერი სამეცნიერო-პედაგოგიური მოღვაწეობისათვის საქართველოს სსრ სახელმწიფო საგეგმო კომიტეტთან არსებული სახალხო მეურნეობის ეკონომიკის, დაგეგმვისა და მართვის სამეცნიერო-კვლევითი ინსტიტუტის დირექტორს ვალერიან სერგოს ძე ალვაძეს მიენიჭოს „საქართველოს სსრ მეცნიერების დამსახურებული მოღვაწის“ საპატიო წოდება.

საქართველოს სსრ უზენაესი საბჭოს პრეზიდიუმის თავმჯდომარე ვ. ზუმბარძია.

საქართველოს სსრ უზენაესი საბჭოს პრეზიდიუმის მდივანი ვ. კვარაცხელია.

თბილისი, 1990 წლის 6 ივნისი.

№ 2667—XI

საქართველოს სსრ უზენაესი საბჭოს პრეზიდიუმის ბრძანებულება

160 ნ. ყ. ხურციძისათვის „საქართველოს სსრ მეცნიერების დამსახურებული მოღვაწის“ საპატიო წოდების მინიჭების შესახებ

ხანგრძლივი ნაყოფიერი სამეცნიერო მოღვაწეობისა და მეცნიერთა კადრების მომზადებისათვის საქართველოს სსრ სახელმწიფო საგეგმო კომიტეტთან არსებული სახალხო მეურნეობის ეკონომიკის, დაგეგმვისა და მართვის სამეცნიერო-კვლევითი ინსტიტუტის მთავარ მეცნიერ-თანამშრომელს ნიკა ყარამანის ძე ხურციძეს მიენიჭოს „საქართველოს სსრ მეცნიერების დამსახურებული მოღვაწის“ საპატიო წოდება.

საქართველოს სსრ უზენაესი საბჭოს პრეზიდიუმის თავმჯდომარე ვ. ზუმბარძია.

საქართველოს სსრ უზენაესი საბჭოს პრეზიდიუმის მდივანი ვ. კვარაცხელია.

თბილისი, 1990 წლის 6 ივნისი.

№ 2668—XI

საქართველოს სსრ უზენაესი საბჭოს პრეზიდიუმის ბრძანებულება

161 საქართველოს ხალხური სიმღერისა და ცეკვის სახელმწიფო აკადემიური ანსამბლის საქართველოს სსრ უზენაესი საბჭოს პრეზიდიუმის საპატიო სიგელით დაჯილდოების შესახებ

ქართული ხალხური შემოქმედების განვითარება-პოპულარიზაციაში მნიშვნელოვანი წვლილისათვის საქართველოს ხალხური სიმღერისა და ცეკვის სახელმწიფო აკადემიური ანსამბლი დაჯილდოვდეს საქართველოს სსრ უზენაესი საბჭოს პრეზიდიუმის საპატიო სიგელით.

საქართველოს სსრ უზენაესი საბჭოს პრეზიდიუმის თავმჯდომარე მ. გუმბარძე.

საქართველოს სსრ უზენაესი საბჭოს პრეზიდიუმის მდივანი ვ. კვარაცხელია.

თბილისი, 1990 წლის 18 ივნისი.

№ 2678—XI

საქართველოს სსრ უზენაესი საბჭოს პრეზიდიუმის ბრძანებულება

162 საქართველოს ხალხური სიმღერისა და ცეკვის სახელმწიფო აკადემიური ანსამბლის მუშაკთათვის საქართველოს სსრ საპატიო წოდებების მიწოდების შესახებ

ქართული ხალხური შემოქმედების განვითარება-პოპულარიზაციაში მნიშვნელოვანი წვლილისათვის საქართველოს ხალხური სიმღერისა და ცეკვის სახელმწიფო აკადემიური ანსამბლის მუშაკებს მიენიჭოთ საპატიო წოდება:

„საქართველოს სსრ სახალხო არტისტი“

ლიანა ევგენის ასულ ქავთარაძეს — მოცეკვავეს.

ჯემალ შერმადინის ძე ჭკუასელს — სამხატვრო ხელმძღვანელსა და მთავარ დირიჟორს.

რევაზ შოთას ძე ჭოხონელიძეს — მთავარ ქორეოგრაფს.

„საქართველოს სსრ ხელოვნების დამსახურებული მოღვაწე“

შოთა გრიგოლის ძე ბრეგაძეს — ლობარს.

„საქართველოს სსრ დამსახურებული არტისტი“

ლალი იონას ასულ გამეზარდაშვილს — მოცეკვავეს.

ელზა გიორგის ასულ კახიაშვილს — მოცეკვავეს.

ვახტანგ ნოდარის ძე მეფარიშვილს — მოცეკვავეს.

ტარიელ გიორგის ძე მილაძეს — მოცეკვავეს.

ელიზბარ გიგოლას ძე რევაზიშვილს — მომღერალს.

მერაბ ოთარის ძე ურიდიას — მომღერალს.

გივი ივანეს ძე შავგულიძეს — მომღერალს.

ნიკოლოზ კონსტანტინეს ძე ჩიქოვანს — მომღერალს.

ლიანა გიორგის ასულ ციხისელს — მოცეკვავეს.

საქართველოს სსრ უზენაესი საბჭოს პრეზიდიუმის თავმჯდომარე ბ. გუმბარიძე.

საქართველოს სსრ უზენაესი საბჭოს პრეზიდიუმის მდივანი ვ. კვარაცხელია.

თბილისი, 1990 წლის 18 ივნისი.

№ 2679—XI

ბაჰოფილება მისაემ

საქართველოს სსრ მეთერთმეტე მოწვევის უზენაესი საბჭოს რიგგარეშე მეთხუთმეტე სესია

20 ივნისს საქართველოს სსრ უზენაესი საბჭოს სხდომათა დარბაზში გაიმართა რესპუბლიკის სახელმწიფო ხელისუფლების უმაღლესი ორგანოს რიგგარეშე მეთხუთმეტე სესია.

სესია გახსნა საქართველოს სსრ უზენაესი საბჭოს პრეზიდიუმის თავმჯდომარემ, დეპუტატმა გ. გ. გუმბარიძემ.

დეპუტატებმა დაამტკიცეს სესიის დღის წესრიგი და მუშაობის წესი.

დღის წესრიგში შეტანილია შემდეგი საკითხები:

1. „საქართველოს სახელმწიფო სუვერენიტეტის დაცვის გარანტიების შესახებ“ საქართველოს სსრ უზენაესი საბჭოს 1990 წლის 9 მარტის დადგენილებაში დამატებების შეტანის თაობაზე.

2. საქართველოს სახელმწიფოებრივი დამოუკიდებლობის აღდგენის სამართლებრივი მექანიზმის შექმნის შესახებ.

3. საქართველოს მოქალაქეობის კანონის პროექტის შესახებ.

4. საქართველოს უზენაესი საბჭოს საყოველთაო დემოკრატიული მრავალპარტიული არჩევნების კანონის პროექტის შესახებ.

5. მოქალაქეთა საზოგადოებრივი გაერთიანებების, მათ შორის პოლიტიკური პარტიების, მასობრივი მოძრაობების, პროფესიული და შემოქმედებითი კავშირების, ნებაყოფლობითი საზოგადოებებისა და ასოციაციების კანონის პროექტის შესახებ.

6. საქართველოს ეკონომიკური დამოუკიდებლობის საფუძვლების კანონის პროექტის შესახებ.

7. ალტერნატიული სამსახურის სამართლებრივი რეგლამენტაციისა და მასთან დაკავშირებული საკითხების შესახებ.

8. საქართველოს სსრ კონსტიტუციის 77-ე მუხლის საფუძველზე სსრ კავშირის რიგი კანონების შეფასების შესახებ.

დღის წესრიგის გამო სესიაზე მოხსენება გააკეთა გ. გ. გუმბარიძემ.



სესიამ მოისმინა საქართველოს სსრ მინისტრთა საბჭოს თავმჯდომარის მოადგილის, რესპუბლიკის სახელმწიფო საგეგმო კომიტეტის თავმჯდომარის, დეპუტატ ო. გ. ვარძელაშვილის ინფორმაცია საქართველოს ეკონომიკური დამოუკიდებლობის საფუძვლების კანონის პროექტის თაობაზე.

ინფორმაცია ალტერნატიული სამსახურის სამართლებრივ რეგლამენტაციაზე და მასთან დაკავშირებულ საკითხებზე გააკეთა საქართველოს სსრ მინისტრთა საბჭოს თავმჯდომარის პირველმა მოადგილემ ო. ვ. ქვილითაიამ.

დღის წესრიგის გამო კამათში მონაწილეობდნენ დეპუტატები ვ. რ. ასათიანი, დ. ნ. დვალაშვილი, ჯ. ა. ჩარკვიანი, ა. ი. კავსაძე, ვ. ა. შარაშენიძე, ნ. რ. ნათაძე, ვ. ა. პატიშვილი, გ. შ. ციციშვილი, ლ. ლ. ლოღობერიძე, რ. შ. ჭეიშვილი, ბ. ზ. მყაუშვილი, თ. ი. ხაზარაძე, თ. დ. ქინქლაძე, რ. ა. ჯაფარიძე, ე. კ. გარდაფხაძე, ვ. პ. ესვანჯია, გ. ი. გუნავა.

სესიამ მიიღო დადგენილება „საქართველოს სახელმწიფოებრივი სუვერენიტეტის დაცვის გარანტიების შესახებ“ საქართველოს სსრ უზენაესი საბჭოს 1990 წლის 9 მარტის დადგენილებაში დამატებათა შეტანის თაობაზე.

საქართველოს სსრ უზენაესმა საბჭომ მიიღო მიმართვა რუსეთის სფსრ უზენაესი საბჭოსადმი საქართველოს დემოკრატიული რესპუბლიკისა და რუსეთის ფედერაციული სოციალისტური რესპუბლიკის 1920 წლის 7 მაისის ხელშეკრულების დარღვევის სამართლებრივი და პოლიტიკური შედეგების შეფასების გამო.

შემდეგ სესიამ მიიღო დადგენილებანი საქართველოს სახელმწიფოებრივი დამოუკიდებლობის აღდგენის სამართლებრივი მექანიზმის შექმნის შესახებ. მიღებულ იქნა გადაწყვეტილება, შეიქმნას კომისია, რომელშიც შევლენ დეპუტატები და სპეციალისტები, აგრეთვე პოლიტიკური პარტიები, საზოგადოებრივ-პოლიტიკური გაერთიანებებისა და მოძრაობის წარმომადგენლები.

გადაწყდა, ფართო საზოგადოებრიობის მონაწილეობით დაიხვეწოს და მომდევნო სესიის განსახილველად იქნეს გამოტანილი საქართველოს მოქალაქეობის კანონის პროექტი, აგრეთვე რესპუბლიკის უზენაესი საბჭოს საყოველთაო დემოკრატიული მრავალპარტიული არჩევნების კანონპროექტი; არჩევნები 1990 წლის 28 ოქტომბერს არის დანიშნული. სესიამ მიზანშეწონილად მიიჩნია გაგრძელდეს მუშაობა მოქალაქეთა საზოგადოებრივი გაერთიანებების, მათ შორის, პოლიტიკური პარტიებისა და მასობრივი მოძრაობების კანონის პროექტზე და უზრუნველყოფილ იქნეს მისი შესატყვისება საქართველოს უზენაესი საბჭოს დეპუტატთა არჩევნების კანონის პროექტთან.

დეპუტატებმა დაამტკიცეს შესაბამისი დადგენილებანი: საქართველოს მოქალაქეობის კანონის პროექტის, საქართველოს უზენაესი საბჭოს არჩევნების კანონის ძირითადი კონცეფციისა და არჩევნების დანიშვნის, მოქალაქეთა საზოგადოებრივი გაერთიანებების, მათ შორის პოლიტიკური პარტიების, მასობრივი მოძრაობების, პროფესიული და შემოქმედებითი კავშირების, ნებაყოფლობითი საზოგადოებების და ასოციაციების კანონის პროექტის თაობაზე.

სესიამ პირველი წაითხვით მიიღო საქართველოს ეკონომიკური დამოუკიდებლობის საფუძვლების კანონი და შესაბამისი დადგენილება.

მიიღეს შრომითი (ალტერნატიული) სამსახურის კანონი და შესაბამისი დადგენილება, აგრეთვე დადგენილება საქართველოს სსრ კონსტიტუციის 77-ე მუხლის საფუძველზე სსრ კავშირის რიგი კანონების შეფასების შესახებ.

დღის წესრიგის საკითხთა განხილვის დროს ზოგიერთ მათგანზე შენიშვნები და წინადადებანი გამოთქვეს დეპუტატებმა პ. პ. ჩხეიძემ, ე. ა. ბერიძემ, ზ. ა. კვაჭაძემ, ნ. რ. ნათაძემ და რ. შ. ჭეიშვილმა.

დეპუტატთა წინადადებით მიიღეს საქართველოს სსრ უზენაესი საბჭოს განცხადება, რომელშიც ცნობენ ლიტვის, ლატვიისა და ესტონეთის, ყველა მოკავშირე რესპუბლიკის თვითგამორკვევის უფლებას და პოლიტიკურ ნებას შექმნან ნამდვილად სუვერენული სახელმწიფოები, გამოთქმულია მზადყოფნა, დაამყარონ პირდაპირი სახელმწიფოთაშორისი პოლიტიკური, ეკონომიკური და სხვა ურთიერთობა.

დეპუტატებმა მოიწონეს საქართველოს სსრ მინისტრთა საბჭოს წინადადება რესპუბლიკის ტერიტორიაზე „დეკრეტული“ დროის გაუქმების შესახებ. ამ საკითხის გამო განმარტება მისცა საქართველოს სსრ მინისტრთა საბჭოს თავმჯდომარის მოადგილემ დეპუტატმა ბ. დ. მახარაშვილმა.

ამით სესიამ მუშაობა დაამთავრა.